

大清詔令

大清詔令卷之四目錄

冊立皇后加上聖母尊號詔

太祖太宗配祀上帝詔

誕生第一子詔

皇太后聖體違和大豫恩詔

修德引咎詔

世祖章皇帝道詔

冊立

皇后加上

聖母尊號詔

奉

天承運

皇帝詔曰自古帝王統御天下首重尊親故嘉禮告成必晉崇

顯號推厥弘澤洽於四海所以廣孝思昭錫類之仁甚盛典也朕承

聖母昭聖慈壽恭簡安懿皇太后慈訓撫輯萬方於

今踰紀茲更遴選賢淑俾佐壺箴弼成內治仰
惟

至德高厚難酬非藉鴻稱曷伸孝悃是用祇告
天地

宗廟

社稷於十二月二十四日恭奉

冊寶上

聖母尊號曰

聖昭慈壽恭簡安懿章慶皇太后隆議爰舉湛恩斯

覃所有應行事宜條列於后

一和碩親王以下奉恩將軍以上俱加恩賜
一內外公主以下固山格格以上俱加恩賜
一外藩諸王以下固山額真以上俱加恩賜
一在京文武官員除未隨朝幼官外公侯伯以
下至九品官員普加恩賜

一各省固山額真昂邦章京梅勒章京總督巡
撫至總兵官各加恩賜

一順治八九兩年地畝人丁本折錢糧拖欠者
該督撫確察果係拖欠在民具奏豁免已徵
在官不得借口民欠侵隱

一順治八九兩年分曆日祭祀牛羊藥材本折錢糧其已徵收在官者照數起解其拖欠在民者該督撫確察具奏豁免

一十三年以前各色牛角皮料等項有未解完者工部確察照例改折以紓民力

一在京滿洲蒙古烏金超哈兵丁量給恩賞

一滿洲兵丁披甲隨征多年効力被傷不能披甲及年老有疾退役者酌給恩賞

一撥發直省征剿兵丁深為可憫其家口坐糧照例給發務令得沾實惠

於戲榮號海加用闡

慈憐之聖善鴻恩超穢庶含海宇之歡心布布告天
下咸使聞知

順治十三年十二月

二十五

日

太祖

太宗配祀

上帝詔

奉

天承運

皇帝詔曰自古帝王禋祀

天地必崇奉

祖宗侑饗所以昭功德申孝敬甚鉅典也恭惟

太祖武皇帝智勇懋昭肇開駿業

太宗文皇帝寬仁覃播繼廓弘圖厚德豐功俱垂萬

世並宜配享

上帝以盡尊榮朕仰承

天眷續繼光猷南郊祈穀奉

太祖武皇帝配祀典禮先已舉行茲復昭告

天地

宗廟

社稷率諸王貝勒文武羣臣於順治十四年三月初

六日如冬至祈穀儀恭祀

上帝奉

太宗文皇帝同祀於初九日如夏至儀恭祀

上帝奉

太祖武皇帝

太宗文皇帝並配脩舉宏章宣頌堪惠所有事宜開

列于後

一和碩親王以下奉恩將軍以上俱加恩賜

一内外公主以下固山格格以上俱加恩賜

一外藩諸王以下公以上俱加恩賜

一在京文武官員聽各衙門堂印官確察分別

陞賞

一各省固山領真昂邦章京梅勒章京總督巡

撫、并總兵官各加恩賜

一內外漢滿官一品封贈三代三品以上封贈
二代七品以上封贈一代八九品以上封本
身給與應得誥勅

一自順治十四年三月初十日昧爽以前凡官
吏兵民人等有犯除謀反叛逆子孫謀殺祖
父母父母內亂妻妾殺夫告夫奴婢殺家長
殺一家非死罪三人謀殺故殺採生折割人
盡毒斃魅毒藥殺人強盜妖言十惡等真正
死罪人命不赦外及滿洲進人窩主干連人

等貪官銜裏受賄、監守自盜、拖欠錢糧、漕糧、
侵盜漕糧、員役亦在不赦、其餘死罪俱減一
等、軍罪以下已發覺未發覺已結正未結正
咸赦除之、有以赦前事訐告者不與審理、即
以其罪罪之、

一文職官員、除貪賍及大計處分、失陷城池、緝
盜不獲、罪犯越獄、拖欠錢糧、漕糧、違悞欵件
限期、審事徇情、舉劾不公、閱卷有弊、銜役作
弊犯賍、本官不能覺察、投認師生等不赦外
見在因公註誤、議革職降議罰及戴罪住俸

各官各該衙門奏明寬宥。

一武職官除貪贓及軍政處分失陷城池地方
緝盜不獲縱兵搶掠拖欠錢糧違悞欵件限
期審事徇情等罪不赦外見在因公註誤議
革議罰及戴罪住俸各官各衙門奏明寬宥
一滿洲兵丁各處戰攻勞苦該部通行賞賚
一滿洲兵丁披甲隨征多年効力被傷不能披
甲及年老有疾退役者酌給恩賞
一征調別省兵丁深為可憫其家口坐糧照例
給發務令得沾實惠

一自順治元年五月以來、各地方歸順有功文
武官員人等、除已敘外、錄凡未經敘錄者、將歸
順來歷、及歸後勞績、該部察明敘陞、給與世
襲誥敕、

一凡試職各官、俱准實校、

一順治十五年會試、照丙戌科額取中進士四
百名、

一所在孝子順孫義夫節婦、自順治元年以後、
曾經各巡按御史奏聞者、仍行該按、再為核
實、毋事泛濫、造冊報部、以免具奏、謹表

一、派征錢糧俱照萬曆年間則例其天啟崇禎年間加增盡行蠲免通行已久如有貪官污吏例外多派私徵擾民者該督撫指名糾參重處

一、有因叛逆干連原係無辜者該督撫審明即為具題釋放

一、連省未附地方文武官民及鄉紳士民投誠歸順者以前負國之罪通與赦免察其功之大小各與陞賞

一、附近賊巢居民原未從賊有司將領一舉殲

捕妄殺者該督撫揆查實奏處

一盜賊多因饑寒失業或為貪官所逼詔書到日雖係首惡若率黨殺賊悉免其罪兵收入伍民收入藉務期得所有能擒捕首惡及黨內首告者論功授官給賞如有因其殺首乘機邀_進執希圖功賞者治以重罪

一大兵經過喂馬地方供應草豆運價等項以後准作正項錢糧銷算如官吏胥_長通同勒索侵冒該督撫即行糾察隱徇者一體重處一貧民失業流離各地方官有能賑卹全活五

百人以上者、核實紀錄、千人以上者、即與題
請加級、其有鄉宦富民尚義出粟全活貧民
百人以上者、該地方官核實其奏、分別旌勸
一各處土司、原當世守地方、不得輕聽叛逆、招
誘誘自外王化、凡經歸順、今來投誠者、開具原
管地方部落、准與照舊嚴封、有擒執叛逆來
獻者、仍厚加陞賞、

一已歸順土司官、曾立功績及未經投誠者、該
督撫按官、通奉具奏、論功陞賞、

於戲、祀事孔修、答

高厚生成之德孝思用展彰

聖神作述之猷洽萬國之歡心備一朝之盛典布告

天下咸使聞知

順治十四年三月

初十日

誕生第一子詔

奉

天承運

皇帝詔曰自古帝王繼統立極撫有四海必永綿曆祚垂裕無疆是以行慶發祥聿隆胤嗣朕以涼德續承大寶十有四年茲荷

皇天眷祐

祖考昭庥於本年十月初七日第一子生係皇妃出

上副

聖母慈育之心下慰臣民受戴之悃特頒肆赦用廣

殊恩所有事宜開列於後

一自順治十四年十月二十六日昧爽以前凡
官吏兵民人等有犯除謀反叛逆子孫謀殺
祖父母父母內亂妻妾殺夫告大奴婢殺家
長殺一家非死罪三人採生折割人謀殺故
殺盜毒斃魅毒藥殺人強盜妖言十惡等真
正死罪不赦外及貪賍侵盜錢糧失陷城池
縱兵搶掠審事徇情開卷有弊投認師生亦
在不赦其餘死罪徇減一案軍罪以下已發
覺未發覺已結正未結正咸赦除之以赦前

事告訐者不與審理即以其罪罪之

一今歲朝審候決重犯俱減一等發落

一直省司府州縣見監秋決各犯亦各減一等
發落

一文武官吏衙役除貪賄侵盜錢糧失陷城池
縱兵搶掠審事徇情閱卷有弊投認師生不
赦外其餘議革議罰及戴罪住俸等項俱與
寬宥

一應追贖私除貪賄侵盜情重者不赦外其餘
察家產果係盡絕力不能完者該撫按奏請

竊免不誅林連親族

一直有報荒地方有隱漏田糧以熟作荒者許自行出首盡行究罪其出首地畝即於當年起科以前隱漏錢糧並不追理如待人發覺仍行治罪追糧

一嘯聚山海擁衆不服者果能真心來歸除赦其前罪外仍破格敘用

一各處盜賊或為饑寒所逼或為貪官所逼情實可憫如能改過自首者准赦其罪

於威震符聲改茂百世之本矣翼命弘敷流萬

方之愷澤布告天下咸使聞知

順治十四年十月二十六日

皇太后聖體違和大豫恩詔

奉

天承運

皇帝詔曰帝王以孝治天下莫大乎事親必福壽
康寧而人子之歡心始暢近者

聖母昭聖慈壽恭簡安懿章慶皇太后聖體違和朕
夙夜恭事憂念實深幸賴我皇后懿德素昭洪
祿克遂仰荷

天地

祖宗眷佑今已大豫朕心慰悅率王同歡遂茲莫大

之嘉祥宜配非常之恩救應行事款以開列於後

一和碩親王以下奉恩將軍以上俱加恩賜

一内外公主以下固山格格以上俱加恩賜

一外藩諸王以下公以上俱加恩賜

一在京文武官員除未隨朝幼官外公侯伯以下至九品官員並加恩賜

一各省固山額真昂邦章京梅勒章京總督巡撫并總兵官各加恩賜

一自順治十五年正月初三日昧爽以前凡官

吏兵民人等有犯除謀反叛逆子孫謀殺祖
父母父母內亂妻妾殺夫告夫奴婢殺家長
殺一家非死罪三人採生折割人謀殺故殺
盜毒斃魘毒藥殺人強盜欺言十惡等真正
死罪不赦外及貪贓侵盜錢糧漕糧審事徇
情舉劾不公閱卷有弊科場作弊及干連人
等投認師生亦在不赦其餘死罪以下已發
覺未發覺已結正未結正咸赦除之有以前
故事相告奸者新不與審問審理即以其罪罪
之

一內外文武官員除貪賍侵盜錢糧漕糧害事
徇情舉劾不公閱卷有獎投認師生不赦外
有因公誣誤革職降級罰俸戴罪住俸等項
併見在議革議降議罰者各衙門悉與奏明
寬宥

一滿洲兵丁披甲隨征多年効力被傷不能披
甲及年老有病退役者酌給恩贍

一凡試職各官俱准實授

一順治十年十二年地畝人丁本折錢糧拖欠
者該撫按確察果係拖欠在民者具奏豁免

已徵在官者不得情口民欠侵隱

一順治十年十一年分層日祭祀牛羊藥材本折錢糧其已征在官者照數起解其拖欠在民者該督撫按確察具奏豁免

一順治十四年以前各省牛角皮料等項果有未解全完者工部確察照例改折之以紓民力

一應追贓私除貪賍侵盜情重的不赦外其餘果係家產盡絕力不能完者該督撫確察題請豁免不許株連親族

一嘯聚山海、擁衆不服者、果能真心來歸、除赦其前罪外、仍破格敘錄擢用。如其中有能擒斬叛首、反正投誠而並予不次擢用以示勸酬。

一各處土司、世守地方、有能真心向化者、即將原管地方部落、准其照舊襲職。有能擒執叛逆來獻者、仍厚加陞賞。

一歸順土司、曾立功績者、該撫按察明具奏陞賞。其未經授職立功者、一併叙授。

於戰

慈闈介祉綿鶴算於萬年海寓鴻蒙稔沛鴻恩於九
有播告中外咸使聞知

順治十五年正月

初三

日

修德引咎詔

奉

天承運

皇帝詔曰自古帝王統御寰區綏安兆姓治效已臻則興天下共樂昇平化理未奏則先臣廢反躬克責敬

天勤民道不越此朕荷

皇天眷佑續承

祖宗鴻緒夙夜孜孜力圖治安十有七年於茲乃民生尚未盡遂貪吏尚未盡改滇黔雖入版圖而

伏莽未靖、征調猶繁、疾苦時告、拯卹未周、反覆
思維、皆朕不德、負

上天之簡、界愧

祖宗之寄託、虛

皇太后教育之恩、孤四海萬民之望、每懷及此、罔敢
即安、茲於順治十七年正月二十二、二十一、二十
二、三日、祭告

天地

太廟

社稷、行忱引咎、自今以後、元旦冬至壽節、天下慶賀

表章

皇太后前、照常恭進、朕前表章、暫行停止、特頒恩赦、
加惠元元、應行事宜、開列於後、

一自順治十七年正月二十五日昧爽以前、凡
官吏兵民人等有犯除謀反叛逆、子孫謀殺
祖父母、父母、內亂、妻妾殺夫、告夫、奴婢殺家
長、殺一家非死罪三人、採生、折割人、謀殺故
殺、盛毒、鬻魁、毒藥殺人、強盜、妖言、十惡等真
正死罪不赦外、行間罪過、貪官、衛索、受賕、監
守自盜、拖欠錢糧、漕侵糧盜、漕糧、員役及私書

鳴託驛擾驛通私船牌票亦在不赦其餘死
罪俱減一等軍罪以下已發覺未發覺已結
正未結正成赦除之有以赦前事告訐者不
與審理即以其罪罪之

一逃人罪犯赦後三次者方生死罪在赦前俱
免

一文職官員除貪賍及大計處分失陷城池緝
盜不獲罪犯越獄拖欠錢糧清糧違欵件限
期審事徇情舉劾不公閱作卷與衙役作弊
犯贓本官不能覺察通投訴師生等罪不赦外

見在因公呈議革議降議罰及戴罪住俸
各官各該衙門奏明寬宥

一順治十六年以前直省拖欠錢糧差廉能滿
官前往清查果係拖欠在民者俱與蠲免係
官吏侵欺者不准款撥

一滿洲兵丁處處戰攻勞苦該行賞賚

部通

一滿洲兵丁披甲隨征多年効力被傷不能披
甲及年老有疾退役者酌給恩賞

一征調別省兵丁深為可憫其家口坐糧照例
給發務唯得沾實惠

一自元年五月以來、各地方歸順有功、文武官員人等、除已敘外、有未經敘錄者、將歸順來歷、及歸^順後勞績、該部查明敘陞

一所在孝子順孫、義夫節婦、自順治元年以來、曾經各建按御史奏聞者、仍行該按、再為核實、勿事泛濫、造冊報部、以凭具奏旌表

一派徃錢糧、俱照萬曆年間則例、其天啟崇禎年間加增、盡行蠲免、通行已久、加有貪官污吏、例外私派多徵、而擾民、該督撫按糾參重處

一遠省未附地方文武官員及鄉紳士民投順
歸誠者以前負固之罪通與赦免察其功之
大小各與陞賞

一有因叛逆干連原係無辜者該督撫檄審
具題釋放

一附近賊巢民居民原未從賊有司將領一舉混
捕擒殺者該督撫察寔奏處

一盜賊多因饑寒失業或有貪官所逼詔書到
日雖係首惡若能率黨投首悉免其罪兵收
入伍民收入藉務期得所有能擒捕首惡及

黨內首告者論功授官給賞如有因其扶掖
乘機邀執希圖功賞者治以重罪

一大兵經過喂馬地方供應草豆運價等項以
後俱作正項錢糧銷算知官胥通同勒指侵
冒該督撫即行糾恭隱徇者一體重處

一貧民失業流離各地方官有能賑卹全活五
百人以上者核實紀錄千人以上者即與題
請加級其有鄉宦富民尚義出粟全活貧民
百人以上者該地方官即核實具奏分別旌
勸

一各處土司原當世守地方不得輕聽叛賊招誘自外王化凡經歸順今來投誠者開具原管地方部落准與照舊襲封有能擒執叛逆來獻者仍厚加陞賞

一歸順王司魯立功績及未經授職者該督撫按官通查具奏論功陞賞

於戲乾行惕勵用昭內省之誠解澤旁流式布維新之化延告中外咸使聞知

順治十七年正月

二十五

日

世祖章皇帝

奉

天承運

皇帝詔曰朕以涼德承嗣丕基十八年於茲矣自
親政以來紀綱法度用行政不能仰法

太祖

太祖謨烈因循苟忽苟安目前漸習漢俗於淳朴舊
制日有更張以致國治未臻民生未遂是朕之
罪一也朕自弱齡即遇

皇考太宗文皇帝上賓嘉訓撫養惟

聖母慈育是依大恩罔極高厚莫酬惟朝夕趨承冀
盡孝養今不幸子道不終誠懼未遂是朕之罪
一也

皇考賓天時朕止六歲不能服喪經行三年喪終天
抱恨事奉

皇太后且冀萬年之後庶盡子職少紓前憾今永違
膝下反上屋

聖母之哀痛是朕之罪一也宗室諸王貝勒等皆係
太祖

太宗子孫為國藩翰理宜優遇以示展親朕於諸王

貝勒等晉接阮疎恩惠復鮮以致情誼睦友愛
之道未周是朕之罪一也滿洲諸臣或歷世竭
忠或累年効勞宜加倚托盡厥猷為朕不能信
任有才莫展且明季失國偏多偏用之臣朕不
以焉戒反委任漢官郎部院印信間亦令漢官
掌管以致滿臣無心任事精力懈弛是朕之罪
一也朕夙姓好高不能虛已延納於用人之際
務求其德於己相侔未能隨材器使以致每漢
之人若舍短錄長則人有微技亦獲見用豈遂
至舉世無材是朕之罪一也設官分職惟德是

用進退黜陟不可忽視朕於廷臣有明知其不肖乃不即行罷斥仍復優游姑息如劉正宗者偏私躁忌朕已洞悉仍容其久任政地誠謂見賢而不能舉見不賢而^善不能退能是朕之罪一也國用浩繁兵餉不足然金花錢糧盡給宮中之費^未永嘗節省發施^此及度支告匱每令會議即諸王大臣會議豈能別有奇策祇得議及裁減俸贍祿以賂軍厚已薄人益上損下是朕之罪一也經營殿宇造作器具務必精工求為前代後人之所不及無益之地靡費甚多乃不自省察

罔體民艱是朕之罪一也端敬皇后於

皇太后克盡孝道輔佐朕躬內政率修朕仰修奉

慈諭追念賢淑喪祭典禮槩從優厚然不能以禮止

情諸事太過踰溢不經是朕之罪一也

祖宗創業未嘗任用中官且明朝亦因委任宦寺朕

知其弊不以為戒設立內十三衙門委用任使

與明無異以致營私作弊更踰往時是朕之罪

一也朕性耽閒靜常圖安逸燕處深宮御朝日

少以致與廷臣接見稀疏上下情誼否塞是朕

之罪一也人之行事孰能無過在朕日御萬幾

自然多有違錯、惟肯納諫、則有過必知、朕自恃
聰明、不能聽言納諫、古云良賈深藏若虛、君子
盛德、容貌若愚、朕與斯言、大相違悖、以致臣工
緘默、不肯進言、是朕之罪一也、朕既知有過、每
自剋責、生悔、乃徒尚虛文、未能省改、以致過端
日積、愆戾愈多、是朕之罪一也

太祖

太宗創垂基業、所關甚重、元良嗣儲、不可久虛、朕子
諱 邸 佟氏妃所生也、岐嶷穎慧、克承宗祧、茲立
為皇太子、即遵制持服二十七日、釋服、即皇帝

位特命內大臣索尼蘇克薩哈遏必隆鰲拜為
輔政伊等皆熟舊重臣朕以腹心寄托其勉矢
忠盡保翊冲主佐理政務布告中外咸使聞知

順治十八年正月

初七日

大清詔令卷五目錄

皇帝即位恩詔

上世祖章皇帝謚號詔

平偽永曆詔

上太皇太后皇太后尊號詔

憲和皇太后崩逝哀詔

星變地震修省詔

冊立皇后詔

立后禮成加上太皇太后皇太后徽號詔

親政詔

世祖章皇帝配饗天地并加上太皇太后皇太

后徽號詔

重修乾清宮太和殿告成進御詔

孝康章皇后升祔詔

皇帝即位恩詔

奉

天承運

皇帝詔曰惟我國家受

天眷命

祖功

宗德肇造丕基我

皇考大行皇帝盛德至仁、英資大度、續承曆數、統一
寰區、恩澤洽於多方、政教臻於上理、方期邦國
永底雍熙、不幸奄棄、臣民遽升

龍馭顧以大寶屬於藐躬朕兢兢在疚本不忍聞而
諸王貝勒大臣文武官員人等僉謂神器既已
攸歸天位不宜久曠繼請再三是以俯徇與志
勉抑哀情於是月初九日祇告

天地

祖宗

社稷即皇帝位仰惟

上天眷佑之篤

祖宗付託之隆涼德冲膺齡茲重寄敬圖觀光揚烈
用紹無疆之休其以明年為康熙元年與天下

更始所有合行事宜開列於後

一在京諸王以下至九品以上官員俱各加恩賜。

一在外諸王以下至公等以上俱加恩賜

一內外自公主以下至格格各加恩賜

一內外滿漢官員一品封贈三代二品以下封贈二代七品以上封贈一代八九品止封本

身、

一官吏兵民人等有犯除謀反叛逆子孫謀殺祖父母父母內亂妻妾殺夫告夫奴婢殺家

長、殺、壺家非死罪三人、採生折割人謀殺故
殺、真正人命、盡毒翫魅毒藥殺人強盜妖言
十惡等真正死罪不赦外、及軍機獲罪隱匿
逃人、亦不赦、其餘自順治十八年正月初九
日昧爽以前、已發覺未發覺、已結正未結正
咸赦除之、有以赦前事告評者、即以其罪罪
之、

一凡文武官員、見在議革議降議罰、及住俸戴
罪、并勅督撫提問究擬者、盡與豁免

一五嶽四瀆等祀、應遣官致祭者、照舊例舉行

一文官在京四品以上、在外三品以上、武官在京二品以上、各送一子入監讀書

一滿洲兵丁、處處戰攻、被傷不能披甲、年老閑住者、俱加恩賜

一順治十八年會試、取中四百名、康熙二年鄉試、大省加十五名、次省加十名、如小省加五名、

一各直儒學、以正貢作恩貢、次貢作歲貢

一已歸順土司官、曾立功績、及未經授職者、該督撫按官、通察具奏、論功陞授

一有負固不服、潛據山海者、如能率眾來歸、悉赦已往、仍量加陞賞

一各處盜賊、或為饑寒所累、或為貪官所逼、實有可憫、如能改過就撫者、准赦其罪

一凡應追贖私、察果家產盡絕、力不能完者、槩與豁免、毋得株連親族

一直省押解錢糧官吏、有途次被劫、見在追比者、准與豁免

一軍民七十以上者、許一子侍養、免其雜派、差徭八十以上者、給與絹一疋、棉一觔、米一石

肉十觔九十以上者倍之

於戲孝思維則永深繼述之懷忠悃載揚實賴
勛勩之位凡爾親賢文武其尚輔翊菲躬各矢
嘉謨共成至治布告天下咸使聞知

順治十八年正月

初九

日

上

世祖章皇帝謚號詔

奉

天承運

皇帝詔曰朕聞帝王有豐功盛德表著於當時則
必有顯號徽稱昭垂於奕世斯國家之令典古
今之隆規洪惟我

皇考大行皇帝聰明睿智文武聖神恢一統之洪圖
躬兼創守綿萬年之寶曆道叶叶神人以盛孝
奉

慈闈以寬仁敦九族興學而朝乾夕惕勵精而旰食
宵衣軫念民依水旱切其咨之微澄清吏治激
揚收明作之功血氣共感尊親海宇咸通聲教
夫何遽升

龍馭莫逮板號朕以涼德嗣守丕基方繼述之是圖
吳追從之敢後景慕

遺烈率由舊章謹命諸王貝勒大臣文武羣臣稽考
禮文恭薦

謚號奉旨合奉旨光裕肇舉上儀乃於今年三月二十四日

祇告

天地

宗廟

社稷

冊寶恭上

皇考大行皇帝尊諡曰

體天隆運英睿欽文大德弘功至仁純孝章皇帝廟
號

世祖於戲

帝德難名固揄揚之莫罄

聖謨丕顯期昭示於無窮布告萬方咸使知悉

順治十八年正月

二十五

日

平偽永曆詔

奉

天承運

皇帝詔曰自古帝王入寧海宇。祗席生民。必使逆孽無有。稽誅。庶幾治化遐宣。兵民休息。此歷代之隆規也。我

世祖章皇帝。宅中定鼎。混一四方。惟偽永曆率逆賊奔竄遐荒。尚逋天討。數年以來。大兵征剿。轉運糧餉。地方困苦。生民弗寧。特命平西大將軍平西王吳三桂。將軍爰星阿等。統領大兵。出邊進

討直抵緬甸於順治十八年十二月初一日擒
獲永曆及其眷屬偽輩昌王白文選及偽官兵
全師來降此誠

天地

祖宗之鴻庥溥海內外之大慶也捷書奏聞朕心嘉
悅已命所司虔行祭告典禮念永曆已獲大勦
克集士卒免征戍之苦兆姓無輓輸之勞疆圉
從此真安閭閻獲以寧止是用昭告天下以慰
群情於戲武烈維揚式愜觀成之意綸音載渙
聿昭永奠之心布告萬方咸使聞知

康熙元年三月

十二

日

上

太皇太后

皇太后尊號詔

奉

天承運

皇帝詔曰朕惟自古帝王統御寰區首崇孝治邇
宮闈之世德脩

尊長之懿章隆號推恩甚盛典也欽惟我

皇祖母昭聖慈壽恭簡安懿章慶皇太后佐

皇祖太宗文皇帝肇造玉基啟

皇考世祖章皇帝宅中定鼎

母后皇后克副徽音母儀四海

母妃溫恭淑惠誕育渺躬朕續副鴻圖並承

慈訓仰惟

恩德愛戴彌殷爰舉古今之典儀用協臣庶之誠悃

謹告

天地

宗廟

社稷於康熙元年十月初三日率諸王貝勒文武群

臣恭捧

冊寶上

皇祖母皇太后尊號曰

昭聖慈壽恭簡安懿章慶敦惠太皇太后

母后尊號曰

仁憲皇太后

母妃尊號曰

慈和皇太后盛興告成爰頒恩賚所有事宜開列於
后

一在京王以下文武官員九品以上俱加恩賜
一内外公主以下及格格以上俱加恩賜

一各省駐防王以下巡撫總兵官以上俱加恩賜

一在京滿洲蒙古漢軍馬步兵丁俱加恩賜
於戲貽孫翼子綿介祉於千秋大德顯名洽歡
心於六合布告中外咸使聞知

康熙元年十月

初三

日

慈和皇太后崩逝哀詔

奉

天承運

皇帝詔曰朕續承

祖宗鴻緒方欲奉事

慈闈抒誠孝養不意

慈和皇太后於康熙二年二月十一日亥時崩逝嗚

呼

教育隆恩難酬

高厚孝思未展忍焉見背哀痛彌切抱恨終天一切

喪制禮儀已命所司舉行外布告天下咸使聞知

康熙二年二月 十五日

星變地震修省詔

奉

天承運

皇帝詔曰朕繼膺鴻緒撫育群生夙夜兢兢勤求
治理期於陰陽順序海宇乂安乃於去歲之冬
星變示儆迄今復見三月初二日又有地震之
異意者所行政事未盡合宜吏治不清民生弗
遂以及刑獄繫繫多人有冤抑遂致上干

天和異徵屢告撫躬循省祇懼靡寧是用肆赦嘉與
海內維新應行事宜開列於後

一官吏兵民人等有犯陰謀反叛逆子孫謀殺
祖父母父母內亂妻妾殺夫告夫奴婢殺家
長殺一家非死罪三人採生折割人謀殺故
殺真正人命蠱毒魘魅毒藥殺人強盜妖言
十惡等真正死罪不赦外其餘自康熙四年
三月初五日昧爽以前已發覺未發覺已結
正未結正成赦除之有以赦前事告訐者即
以其罪罪之

一凡文武官員見在議革議降議罰戴罪并勅
督撫提問究擬者盡與豁免

一直省順治十六十七十八年催徵不得各項
舊欠錢糧著照蠲免十五年以前錢糧一體
蠲免前侵盜庫銀不赦今俱著併免其益課
積逋催徵不得者著察明亦准酌量蠲免
一各州縣設立常平倉原以預備荒災賑濟窮
民近聞徒有虛名寔積甚少且貪官姦吏侵
欺挪支私借不補該部行各該督撫嚴察務
須實積如有虛捏充數等項情弊即奏指治
罪

一直省兵丁全賴月餉為贍養之資近聞營兵

將領每遇領餉借名扣剋肥己獻媚上官以致兵丁餓寒窮困不能養贍妻子以後著各該總督嚴察務使兵丁得沾實惠如有徇隱不舉經旁人舉出科道糾劾一併治罪

一大兵出征俱在城外駐宿乃總督提督及總兵等官俱將兵馬入城駐宿騷擾民居不合以後總督提督等官所帶兵馬俱着在城外駐宿如仍前駐宿城內騷擾民間或旁人舉出科道糾劾一併治罪

一近來文武官已經革職者任內功罪俱行追

論以致事務繁多以後文武官革職之後仕
內因公事應革職以下之論俱照舊例免議
不必照民例議罪至於任內有應紀錄等項
事情亦不必追論註冊

一凡人命關係重大理應再三詳審以後除叛
逆強盜等情罪重大者即行立決外其律內
所載凡應監候杖後處決者仍著照行

一近見內外各衙門題審獄案有年久不結以
致牽連各犯斃於囹圄者甚多其未經具題
即在地方完結案內冤死於獄者或亦有之

又聞地方土棍豪奸棍串同貪官蠹役挾仇
刁訟陷害良善或所告已經審虛或事情已
將結案復行借端起釁誣詞訐告以致株連
冤滯多致冤死於獄以後凡審擬重大事情
總督巡撫按察司等官務要虛公詳慎期於
得情其輕罪應行連結者務要隨審隨結如
仍前遷延遲久冤濫覈獄該部及科道官察
參治罪

一逃人面上刺字原欲稽察有據但面上一經
刺字無由改過自今以後逃人面上刺字着

停止照竊盜例刺字至於窩家既治以窩隱
之罪後面上刺字罪反重於逃人以後窩逃
之者免刺字

一如于七之類叛逆罪犯果能真心改悔前非
自行投首俱着免罪又凡緝拏重犯自行投
首俱着免罪

於戲冀答

天心爰布寬仁之典祈凝庶績聿昭勸勵之圖播告
天下咸使聞知

康熙四年三月

初五

日

冊立

皇后詔

奉

天承運

皇帝詔曰帝王承

天立極作民父母使四海同倫萬方向化匪獨外治
蓋亦內德懋焉故政教弘敷肇先宮壺所以共
承

宗廟助隆孝養綿本支睦九族甚鉅典也朕祇續鴻
基篤念倫紀茲者

聖祖母昭聖慈壽恭簡安懿章慶敦惠太皇太后深
惟婚禮為天秩之原王化之始遴選賢淑俾佐
朕躬正位中宮以母儀天下欽遵

慈命虔告

天地

宗廟於康熙四年九月初八日冊立內大臣噶布喇
之女黑舍利氏為皇后惟朕躬暨后允修厥德
夙夜敬勤克紹於

徽音庶薄海內外正倫常洽被仁恩聿臻上理布告

天下咸使聞知

康熙四年九月

初十

日

立

后禮成加上

太皇太后

皇太后徽號詔

一奉

天承運

皇帝詔曰朕惟帝王撫有四海必首隆孝治以端
教化之原是以子孫相承而衍慶於奕業也欽
惟我

聖祖祖母昭聖慈壽恭簡安懿章慶敦惠太皇太后

佐

太宗文皇帝肇興大業啟

皇考世祖章皇帝武廓洪圖

聖母仁憲皇太后克嗣徽音母儀懋著朕緇膺丕緒

夙夜兢兢仰荷

慈懷並弘訓育茲者遴選賢淑作配朕躬屬當嘉禮

之成宜進

尊稱之典謹告

天地

太廟

社稷於康熙四年九月二十五日率諸王貝勒文武

群臣恭奉

冊寶加上

聖祖母昭聖慈壽恭簡安懿章慶敦惠太皇太后徽

號曰

昭聖慈壽恭簡安懿章慶敦惠溫莊太皇太后

聖母仁憲皇太后徽號曰

仁憲恪順皇太后崇

兩宮之顯號洽萬國之歡心所有恩賚事宜開列於

後

一在京王以下文武官員九品以上俱各加恩賜

一外藩王以下公以上及世襲各官俱各加恩賜

一內外公主以下及格格俱加恩賜

一各省駐防王以下巡撫提兵官以上俱加恩賜

一在京滿洲蒙古漢軍馬步兵丁員弁俱各加恩賜

於戲社貽孫子宏昭式穀之源禮脩尊

親大錫覃思之典布告中外咸使聞知

康熙四年九月二十六日

親政詔

奉

天承運

皇帝詔曰朕以冲齡嗣登大寶輔政臣索尼蘇克
薩哈邁必隆鰲拜謹遵

皇考世祖章皇帝遺詔輔理政務殫心効力七年於
茲今屢次奏請朕承

太皇太后之命躬理萬幾深惟

天地

祖宗付託甚重海內望治甚殷朕以涼德夙夜祇懼

天下至大政務至繁非朕躬所能獨理宣力分
猷仍惟輔政臣諸王貝勒內外文武大小官員
是賴務各殫忠盡職潔己愛民任怨任勞不得
辭避天下利弊必以上聞朝廷德意期于下究
庶政舉民安蚤臻平治凡我軍民宜仰體朕心
務本興行樂業安生以迓休寧之慶合行恩赦
事宜條列于後

一在京諸王以下至九品官員以上俱各加恩
賜

一在外諸王以下至公等以上俱加恩賜

一內外大小各官除各以現在品級已得封贈外自順治十八年恩詔後授職及陞級改任者著照順治十八年恩詔封贈

一官吏兵民人等有犯除謀反叛逆子孫殺祖父母父母內亂妻妾殺夫告夫奴婢殺家長殺一家非死罪三人採生折割人謀殺故殺真正人命盡毒覺魅毒藥殺人強盜妖言十惡等真正死罪不赦外其餘自康熙六年七月初七日昧爽以前已發覺未發覺未結正已結正成赦除之有以赦前事相告訐者即

以其罪罪之

一凡文武官負議革議降議罰又住俸戴罪并
勅督撫提問各官俱免議

一五嶽四瀆等祀應遣官致祭者仍照舊例舉
行

一文官在京四品以上在外三品以上武官在
京在外二品以上各准一子入監讀書

一國子監生監免坐監一個月

一康熙八年鄉試中式舉人大省加十名中省
加七名小省加三名康熙九年會試中式進

士三百名

一滿洲兵丁原係披間効力行間有帶傷殘廢
閑住及疾病年老閑住者察加恩賜
一有潛據山海不服者如能率衆來歸悉赦已
往仍量功陞賞

一逃入事情向未不赦今概准赦免

一附近賊巢居民原來從賊有司將領一概混
捕擅殺者該督撫察實叅處

一各處盜賊或為飢寒所累或為貪官所逼實
有可憫如能改過就撫者准赦其罪

一奸民記詐動以謀叛通賊告害良民此後如有越境妄告者該督撫卽嚴拏究審情虛反坐以安良善

一凡貪官犯贓罪至應死與不應死者俱免罪革職永不敘用贓仍照追

一凡應追賠贓私祭看家產果係盡絕力不能完者樂與豁免毋得株連親族

於戲政在養民敢屢

天地生成之德時當親政恒念

祖宗愛育之心布告天下咸使聞知

康熙六年七月

初七

日

世祖章皇帝配饗

天地并加上

太皇太后

皇太后徽號詔

奉

天承運

皇帝詔曰朕惟自古帝王建極綏猷能民圖治莫
不以懋昭先德祇盡孝忱為隆朕續承丕基躬
親庶政恭惟

世祖章皇帝功德兼隆當崇配享暨

聖祖母太皇太后

聖母皇太后恩勤脩至宜用顯揚是用上稽前典下

協輿情謹告

天地

宗廟

社稷率諸王貝勒文武群臣於康熙六年十一月朔

七日冬至恭祀

上帝十六日如夏至儀恭祀

地祇並祀

世祖章皇帝配饗十七日恭奉

冊寶加上

聖祖母昭聖慈壽恭簡女懿章慶敦惠溫莊太皇太
后徽號曰

昭聖慈壽恭簡女懿章慶敦惠溫莊康和太皇太后
徽號曰

聖母仁憲恪順皇太后徽號曰

仁憲恪順誠惠皇太后慶禮兼行鴻恩廣逮所有應
行事開列於後

一和碩親王以下奉恩將軍以上俱加恩賜
一內外公主以下固山格格以上俱加恩賜

一外藩諸王以下公以上俱加恩賜

一在京文武官員俱着各加一級

一各省將軍都統總督巡撫提督併總兵官各加恩賜

一內外各官除各以見在品級已得封贈外本年七月內恩赦後授職及陞級改任者照前例封贈

一除前在京文官四品以上武官二品以上各准一子入國子監讀書外今在京八旗滿洲蒙古漢軍三四品武官各准一子入監讀書

入監讀書

一凡官吏兵民人等有犯除謀反叛逆子孫謀殺祖父母父母妻妾殺夫告夫奴婢殺家長殺一家非死罪三人株生折割人謀殺故殺姦毒魔魅毒藥殺人強盜妖言十惡等真正死罪不赦外其餘自康熙六年十一月二十六日昧爽以前已發覺未發覺已結正未結正咸赦除之有以赦前事告計者以其罪罪之

一内外文武官員除大計軍政處分外見在議

革議降議罰及戴罪住俸等項各該衙門悉與奏明寬宥

一滿洲兵丁披甲隨征多年効力被傷不能披甲及年老有疾退閒者俱酌給賞資

一滿洲蒙古漢軍兵丁處處征戰勞苦該部通行賞資

一地方有才品優長山林隱逸之士該督撫核實具奏酌與錄用

一凡試職各官俱准定授

一歷代帝王陵寢先師孔子闕里應遣官致祭

者察例舉行

一地方災傷已經查勘蠲免賦役者有司不遵
仍行濫派及免有力之家致窮民不沾實惠
者事發決不饒恕

一近來徵收錢糧天平法馬太重多加火耗民
受困著該督撫司道等官嚴飭有司務要遵
依較定法馬不許私自增加仍不如時密加
察訪指名奏及上司差役催促橫加需索
凌逼屬員擾害百姓者并着飭行嚴禁

一各地方有豪紳劣衿衙胥積竊或克本身田

地差徭或色攬他人田地徭丁代為規避偏累窮民莫此為甚該督撫行各地方官秉公覈察如有此等情弊重加懲處

一鄉會試文舉人進士已經前詔廣額外康熙八年鄉試武舉人大省加十名中省加七名小省加五名康熙九年會試武進士加一百名

一天下驛遞苦累凡乘傳員役騷擾驛遞者着該督撫立即叅奏 如有容隱一併治罪
一各省會設兵處所有等奸民假充兵丁混入

營內夥告夥証拖累小民甚有借通賊為名
抄掠旋實尤為大害該將軍提督鎮將嚴行
約束務絕害端如有隱匿不究一體從重治
罪

一各養濟院所有^來鰥寡孤獨及殘疾無告之人
有司留心以時養贍毋致失所

一修河夫役婦科民累不堪或有司借端加派
或濫用委官侵冒詐索該督撫嚴加稽察仍
須刻期竣功勿得延緩致滋民困

一進人事情果准赦免

一凡應追贖贓私察果家產盡絕力不能完者
許與豁免勿得株連親族

一盜賊多因飢寒失業或為貪官苛虐所逼詔
書到日雖係首惡若能率黨投首悉免其罪
兵收入伍民收入籍毋使得所有能擒捕者
及首惡黨內有能投告者論功授官給賞如
該管官有將投首之人邀執圖功者治以重
罪

一有潛據山海不服者如能率眾來歸悉赦已
往之罪仍量功陞賞

於戲率由舊章蓋屢

前烈之高厚永膺純嘏覃敷佑冒之恩慈彰孝思於
千秋合歡心於萬國布告天下咸使知之

康熙六年十一月

二十六

日

重修

乾清宮

太和殿告成進御詔

奉

天承運

皇帝詔曰自古帝王統一寰區營建宮室非特崇壯麗之觀實以隆出治之體甚鉅典也朕御極以來以保和殿為清寧宮居住今春奉

太皇太后旨不宜以殿為宮宜於乾清宮居住朕恪遵

慈命嚴飭所司重加修理又因太和殿建造年久頗有損漏遂命一并鳩工重修今俱告成祇告

天地

宗廟

社稷於康熙八年十一月二十四日進御宮殿懋圖治理念締造之維新宜臣民之協慶所有恩赦事宜列于後

一在京諸王以下文武九品官員以上俱加恩賜

一内外公主以下及格格俱加恩賜

一外藩王以下公以上俱加恩賜

一外省駐防王以下巡撫總兵官以上俱加恩

賜

一在京在外滿洲蒙古漢軍馬步兵丁俱加恩

賜

一滿洲兵丁原係披甲効力行間有傷帶殘廢

閒住及年老疾病閒住者察加恩賜

一文武官負除大計軍政處分失陷城池縱兵

搶奪貪贓拖欠錢糧漕糧等罪不赦外其餘

因公事見在議革議降議罪及帶罪各官俱

免議

一自康熙八年十一月二十五日昧爽以前官吏兵民人等有犯除謀反叛逆子孫謀殺祖父母父母^{內訌}妻妾內亂殺夫告夫奴婢殺家長殺一家非死罪三人孫生折割人謀殺故殺盛毒魔鬼毒藥殺人強盜妖言十惡等真正死罪不赦外滿洲遊人窩主干連人等貪官衙役受賄監守自盜拖欠錢糧漕糧員役侵盜漕糧員役及充棍不赦其餘死罪俱減一等軍罪以下無論已發覺未發覺已結正未

結正成赦除之有以赦前事訐告者不與審理即以其罪罪之

一凡除革職降級休致回籍外地方人等果有才行著聞及學問優長者該督撫學核寔具奏

一康熙元二三年直隸各省地丁錢糧實係拖欠在民而不能完納者該督撫察明奏請豁免

一國子監監生免坐監一個月

一凡應追賠贖私察果家產盡絕力不能完者

准與豁免毋得株連親族

一除謀殺故赦外如原無仇隙偶因一時忿激
相毆斃者兇犯免死決杖一百照例追銀四
十兩給與死者家屬

一地方盜賊或為貪官所逼或為飢寒所累實
有可憫如能改過就撫者准赦其罪

一罰贖積赦原以脩賑冬月嚴寒恐鰥寡孤獨
之民無以為生着直隸各省督撫責令有司
官將積穀酌量賑濟務令年使奸民假冒支領

於戲紹丕基而勤宵旰益弘垂裕之規撫黎撫

而沛恩膏以永洽盈寧之樂布告中外咸使聞知

康熙八年十一月二十五日

孝康章皇后升祔詔

奉

天承運

皇帝詔曰朕惟自古帝王以孝治天下莫不顯揚
母德追崇配享以為紹先啟後之本朕膺承丕
緒九載於茲恭惟我

皇妣孝康慈和莊懿恭惠崇天育聖皇后光贊

皇考成綿造之豐功誕育眇躬^敬隆之景運徽音遠

播厚德弘施廟祀未崇朕懷罔極是用上稽前
典下協輿情祇告

天地

宗廟

社稷於康熙九年五月初一日率諸王貝勒文武群

臣恭奉

冊寶加工

皇妣尊謚曰

孝康慈和莊懿恭惠崇天育聖章皇后升祔

太廟鴻儀既舉恩赦宜加所有應行事宜開列于後

一和碩親王以下奉恩將軍以上俱加恩賜

一内外公主以下固山格格以上俱加恩賜

一外藩諸王以下公以上俱加恩賜

一在京文武官員各省將軍副都統總督巡撫提督并總兵官各加恩賜

一內外大小各官除各以現在品級已得封贈外其詔後授職及陞職改任者俱着照例封贈

一凡官吏兵民人等有犯除謀反叛逆子孫謀殺祖父母父母內亂妻妾殺夫告夫奴婢殺家長殺一家非死罪三人採生折割人謀殺故殺姦姦魔魅毒藥殺人強盜妖言十惡等

真正死罪及拖欠侵盜糧漕不赦外其餘自
康熙九年五月初六日昧爽以前已發覺未
發覺已結正未結正咸赦除之有以赦前事
告訐者以其罪罪之

一内外文武官負除大計軍政處分外現在議
革議降議罰及帶罪住俸等罪各該衙門悉
與奏請寬宥

一滿洲兵丁披甲隨征多年効力被傷不能披
甲及年老有疾退閒者俱酌給賞賚

一地方有才品優長山林隱逸之士着該督撫

核實具奏酌與錄用

一凡試職各官俱准實授

一國子監監生教習免坐監一個月

一淮揚地方高郵等十一州縣連年水患人民困苦與他處不同應作何蠲免該部議奏蠲免

一地方災傷已經差勘蠲免賦稅者有司不遵仍行濫派及但免有力之家致窮民不沾實惠者事發決不饒恕

一軍民七十以上准一子侍養准免雜派差徭

八十以上者給絹一疋綿一勛米一石肉十
勛九十以上者倍之

一各處養濟院所有^緣寡孤獨及殘疾無告之
人有司留心以時養贍毋致失所

一官徒犯贓罪應至死與不應至死者俱免罪
仍革職革役追贓永不敘用

一逃人窩主及干連人犯俱准赦免

一修河夫役婦料民累不堪或有司借端加派
或濫用委官侵冒詐索該督撫道不時嚴加
稽察仍須刻期竣工勿得延誤致滋民困

一凡應追賠贓私察果家產盡絕力不能完者
准與豁免毋得株連親族

一盜賊多因飢寒失業或為貪官苛刻所迫詔
書到日雖係首惡若能率黨投首悉免其罪
兵收入伍民收入籍務使得所有能擒捕首
惡及黨內首告者論功授官給賞如有將投
誠之人邀執圖功者治以重罪

於戲孝思維則隆脩饗于千秋純嘏永膺合歡
心於萬國布告中外咸使聞知

康熙九年五月

初六

日